

# A actividade económica



Unidade Didáctica Xeografía e Historia 3º ESO

Autor: Xosé F. Maneiro



## A ACTIVIDADE ECONÓMICA. OS SECTORES DA ECONOMÍA

### Que imos facer?



Imos dividir este proxecto de traballo sobre a economía e 6 grandes apartados:

- Glosario de economía
- Mapa conceptual e texto expositivo sobre os sectores económicos
- Comentario dunha imaxe
- Comentario dunha gráfica de xeografía
- Infografía sobre a economía española e galega
- Actividades interactivas

Imos aló?

### 1º . Glosario / Dicionario ilustrado economía.

O obxectivo desta primeira parte do proxecto de traballo sobre a economía é elaborar un glosario, é dicir, un dicionario no que se explican ou comentan os termos máis importantes sen os cales non poderíamos entender un tema, neste caso sobre a economía. Os pasos para elaborar o glosario son:

1. **Lectura atenta do apartado “A actividade económica”**
2. **Eliximos as palabras ou conceptos clave** (un mínimo de 20) que formarán parte do glosario. Ordenámolas por orde alfabética.
3. **Escribimos o significado de cada palabra ou concepto clave.** Para isto miramos no contido do documento, podemos completar coa axuda do dicionario ou buscando en internet e tamén podemos engadir algún comentario propio ou un exemplo que coñezas.
4. **Acompañamos de imaxe ilustrativa**



Podes, e debes, **consultar o apartado Guías**, para saber como elaborar un glosario y como presentar un traballo. Consensuaremos prazo de entrega.

## 2º. Mapa conceptual e texto expositivo "Os sectores económicos"

---



Nesta segunda parte do proxecto, imos elaborar un **triple mapa conceptual sobre os tres sectores económicos**.

Para a súa elaboración lemos e analizamos con atención o apartado "Os sectores económicos", á vez que imos aillando as ideas e conceptos clave. Lembra que podes completar tamén a información que expoñas no mapa conceptual con anexos de información, é dicir, aclaracións, información que consideres ilustrativa ou complementaria, etc e que logo poderá servir de axuda á hora de redactar o texto expositivo.

No apartado **Guías** podes consultar como elaborar un **mapa conceptual**. Ademáis tes unha **táboa de contidos** que che pode servir como axuda para a recollida de información previa á elaboración do mapa conceptual.

Finalmente, imos **redactar un texto expositivo** sobre os sectores económicos, para o que tomamos como base os mapas conceptuais xa elaborados, así coma os anexos de información. Tes axuda no **apartado Guías O texto expositivo: como elaboralo e rúbrica de avaliación**)

## 3º Comentario dunha imaxe

---

Nesta actividade imos aprender **como facer un comentario dunha imaxe en Xeografía**, neste caso desde o punto de vista económico: paisaxes agrarias, actividades pesqueiras, entornos industriais ou de servizos. Non se trata de facer un amplo e meticuloso análise e comentario, pero si de **aprender a observar, analizar, mirar, distinguir e interpretar diversas imaxes** desde o punto de vista xeográfico e económico, nesta caso.

Todos os pasos están no **apartado da unidade Imaxes e Guías**.



## 4º Comentario dunha gráfica

---

Nesta parte, imos aprender **como elaborar un comentario dunha gráfica** en Xeografía, nesta ocasión económica, que pasos hai que dar, a información que debemos ter en conta, como facer a análise e interpretación. Tes toda a información nos **apartados Gráficas e Guías** desta unidade.

Pensa que esta actividade vaivos ser de moita utilidade á hora de elaborar a infografía da economía de España e Galicia.



## 5º Infografía: A economía de España e Galicia.

Finalmente, e atendendo ás gráficas e datos que se vos facilitan (**apartado Infografía**), elaboraremos unha infografía.

Que reflexaremos nela? As **conclusiones que extraemos das gráficas e datos proporcionadas**. Como?

- **Observamos e analizamos** as gráficas e datos proporcionadas.
- **Escollemos** aqueles máis relevantes, chamativos, sorprendentes, ilustrativos, preocupantes, expositivos, curiosos... Vós escolledes o criterio de selección!!
- **Ordenamos** os datos seguindo unha liña de exposición, un **guión premeditado**: 1º imos poñer “isto” que está relacionado con 2º “aquele”, que nos leva a 3º “isto outro” P.ex: imos comezar co IDH para relacionalo co PIB per cápita e así imos vendo a calidade de vida, para despois.... **É importante facer un esquema previo!!**
- **Elaboramos a infografía** seguindo a axuda que tendes no apartado Infografía e tamén en Guías.



Podedes elaborar tamén unha **infografía sobre o voso concello ou comarca**. Toda a información no **apartado Infografía e Guías**

## 6º Actividades interactivas

Tes na unidade diversas **actividades interactivas** que che axudarán a dominar mellor os contidos: apartado Actividades

